

horam parentum nostrorum recensenda memoria, damus, & concedimus liberè tibi, tuisque successoribus, Ecclesie Cusentinae Judaeos omnes, & tintoriam in civitate Cusentina, mandantes, ut ipsi Judaei eidem Ecclesie de tintoria, & omnibus aliis rationibus, sicut hactenus consueverunt Camerarii nostri, debeant perpetuo respondere. Ad hujus autem nostrae donationis, & concessionis memoriam, & robur perpetuo vallaturam, praesens privilegium per manus Bononiatum de Gajeta Notarii, & fidelis nostri scribi, & Majestatis nostrae sigillo praecipimus communitari anno, mense, & Indictione subscriptis.

Data in civitate Messana, anno Domini Incarnationis 1212. mensis Martii 15. Indi. Regni vero Dom. nostri Federici Dei gratia gloriosissimi Regis Siciliae, Ducatus Apuliae, & Principatus Capuae, in Romanorum Imperatorem electi anno 14. feliciter. Amen.

Anno 1217. Lucæ scribit Honorius III. ut vice sua Messanam accedat, ubi cruce signatorum multitudo concurrebat, ibique verbum crucis praedicet, & de agendis ipsis cruce signatis disponat; incipit epist. Cam. Sc. Datum Anagninae 8. Id. Julii pontif. 1. num. 500. fol. 120. Reg. Vat. Ad eundem idem scribit an. 3. ut inquirat contra Squillacensem Episcopum Dat. Later. 6. Kal. Septembris. epist. 164. fol. 14. & 20. pontif. 4. ad eundem Lucam scribit, ut contra quendam inquirat, qui per simoniam, & potentiam laicalem se in Episcopatum fecerat intradi. Incipit, Cam nemo. Dat. Later. 3. Non. Septemb. Est epist. num. 558. fol. 126.

Anno vero 1219, idem Honorius III. per litteras suas Dat. Later. 4. Kal. Novemb. commisit Lucæ, ut Rossanensem Archiepiscopum electum, si illum tanto munere dignum invenisset, in eâ dignitate confirmaret. Interea Lucas Ecclesiae suae jura servare intendens, super castro Rendæ cum Richardo Comite de Ayello litem habuit aliquando, molestias eidem inferendo, qui ab Imperatore Federico legitime investitus fuerat. Honorius III. rem pro Comite adjudicavit, Lucæ & Capitulo Cusentino in hæc verba rescripsit.

HONORIUS EPISCOPUS
servus servorum Dei.

Venerabili fratri Archiepiscopo, & dilectis filiis Capitulo Cusentino salutem, & Apostolicam benedictionem. Nobilis vir Richardus Comes de Agello exposuit nobis quod vos ipsum super Castro Rendæ, quod ad eum de jure pertinet molestetis contra mandatum nostrum, quod super hoc alias recepistis improvidè vivendo. Cum igitur idem Comes privilegium Comitatus sui præter castrum Agelli nuper de Imperiali munificentia fuerit consecutus, discretionem vestram rogandam duximus, & monendam per Apostolica vobis scripta mandantes, quatenus super dicto Castro, quod in ipso Comitatu existit de cætero nullatenus indebitè molestetis Comitem memoratum cum incrementis vestris vos intrare non deceat in praefati nobilis detrimentum.

Dat. Later. 6. Kalend. Decembr. pontif. nostri ann. 5.

Erat Comes iste Richardus filius Matthæi Salernitani utriusque Siciliae Magni Cancellarii, & frater Nicolai Archiepiscopi Salernitani, de quo alibi fusius dictum est. Cæterum Lucas Ecclesiam sibi creditam summo amore, summoque jure administravit, qui & de statu Ecclesiae, & vitam B. Patris Joachimi descripsit, sub cujus regimine, de quo ejus consilio, & auctoritate Nicolaus ex Ord. suo Cisterciensis Episcopus Card. Tusulanus Apostolicae Sedis Legatus Cusentinam Cathedrali miro concursu, & apparatu consecravit anno 1222. ut monumentum, quod extat in tabulario ejusdem Ecclesiae proloquitur in hunc modum.

Nicolaus Dei gratia Tusulanus Episcopus, Apostolicae Sedis Legatus.

Præsenti scripto posterorum notitia tradimus, quod Cusentiam venientes rogati fuimus à Luca vener. Archiepiscopa, & Capitulo ejus, ut Ecclesiam

A Cusentinam, quæ licet antiqua esset, nusquam tamen aliquando consecrata fuerat, consecrare solemniter deberemus, quorum precibus grato concurrentes assensu praesente D. Friderico Illustrissimo Romanorum Imperatore semper Augusto, & Rege Siciliae, cum venerabilibus Landone Regino, & Nicolao Tarentino Archiepiscopis, cum Rogerio Militensi, Gulielmo Bisinianensi, Andrea sancti Marci, Bartolomæo Syracusano, Bernardo Genico-Castrensi, Thaddeo Neocastrensi, Philippo Marturanensi Episcopis, assistente Abbatum, & Monachorum, Cleri, & populi multitudinis copiosa dedicavimus Ecclesiam, & consecravimus manibus nostris altare majus ad honorem Dei, & Beatissima Dei Genitricis, semperque Virginis Mariae, in quo recondimus reliquias istas. De ligno Dominicæ Crucis. De vestimento Virginis Mariae. De sepulchro ejus. De corpore B. Annae matris ipsius. De sepulchro, & Præsepe Domini Ss. Innocentium, Simonis Iusti. De manna & veste S. Joannis Evangelistæ. De baculo S. Pauli Apostoli, Marci & Lucae Evangelistarum. Stephani Protomartyris. Dionysii Areopagite. Sixti Papæ & martyris. Laurentii Levitæ & martyris. Anastasi Monachi, & martyris. Prisci Papæ. Silvestri Papæ. Martini Episcopi, & Confessoris. Mariae Magdalene. Teclæ, Sabine, Agathæ, Lucæ virginum, & martyrum. Et mulieris Samaritanæ, cum qualoquutus est Christus. Altare ad partem Meridianam consecravimus prædictus Militenfis Episcopus in honorem beatissimi Joannis Baptistæ, recondens in eo reliquias istas. De corpore ipsius B. Joannis. Zachariæ Prophetæ patris ipsius. Joseph ab Arimathea. Epaptræ unius de septuaginta duobus discipulis. Fabiani Episcopi, & martyris. Gervasi, & Protasi martyrum. Luciani martyris. Iuliani martyris. Eleuterii martyris. Pantaleonis martyris. Cosimæ martyris. Eustasii martyris. Marcelliani martyris unius ex quadraginta martyribus. Antonii Abbatis. Macarii Abbatis. Eustitii confessoris. Iustine virginis. Altare vero ad partem Aquilonarem consecravit prædictus Bisinianensis Episcopus in honorem Beatissimi Petri, & Pauli, & omnium Apostolorum, recondens in eo reliquias istas. De ligno vivificæ Crucis. De capillis ipsius beati Petri. De corpore ipsius Pauli Apostoli. Andree Apostoli. Jacobi Apostoli. Philippi Apostoli. Matthæi Apostoli. Barnabæ Apostoli. Clementis Papæ & martyris. Rodos de septuaginta duobus. Nerei, & Achillei martyrum. Maccharii, Christophori, Georgii, & Casarii, Cyriaci, Tiburtii, & Pancratii martyrum. Unius quatuor Coronatorum. Lucie & Geminiani martyrum. Primi & Feliciani martyrum. Chirsanti & Dariæ martyrum. Bonifacii Papæ. De capillis B. Gregorii Papæ. Joannis Chrysostomi, Sabine, Comisini Episcopi, Cataldi Episcopi & confessoris. Vitaliani confessoris. Helenæ Augustæ. Felicitatis martyris. Lucie martyris. Agnetis virginis & martyris. Quæ utique consecratio celebrata est anno Dom. Incarn. 1222. tertio Kalendas Februarii, Indi. 10. Pontificatus Dom. Honorii Papæ III. ann. 6. Secunda vero die perambulavimus, & benediximus Cæmeterium ipsius Ecclesie per partes quatuor: ut est moris ad salutem, & requiem sepultorum & sepeliendorum ibidem. Sane universis fidelibus Ecclesiam ipsam devote visitantibus usque ad proximas Kalen. Aprilis indulsumus annos duos, & carinas duas injunctæ illis pro criminalibus penitentia; in anniversario vero ipsius consecrationis perpetuis temporibus indulsumus unum annum, & carinam unam visitantibus eandem Ecclesiam per totam octavam. Ad indicium autem hujus consecrationis, & indulgentiæ præsens scriptum fieri iussimus per manus Guglielmi Clerici, & publici Notarii Cusentiae nostrae, & prædictorum Archiepiscoporum, & Episcoporum subscriptionibus, & sigillorum impressionibus communitum.

B

C

D

† Ego Nicolaus Tusulanus Episcopus, & Apostolicae Sedis Legatus.
† Ego Landonus Reginus Archiep.
† Ego Nicolaus Tarentinus Archiepiscopus.

ALLEGATO N. IV. n. 2

180006711

ITA:

N. CATALOGO GENERALE

N. CATALOGO INTERNAZIONALE

MINISTERO PER I BENI CULTURALI E AMBIENTALI

DIREZ. GEN. DELLE ANTICHTA' E BELLE ARTI

REGIONE